



Bentiaraq Ottosen  
Atassut

UKA 2024/23  
26. September 2024

**Kalaallit Nunaanni sulinermi ajoqusernermut isumannaarineq pillugu inatsisip allanngortinneqarnissaa pillugu Inatsisissamut Siunnersuummut allaqqaakkamut Namminersorlutik Oqartussat akuersissuteqarnissaat pillugu Inatsisartut aalajangiiffigisassaannut siunnersuut (Nalunaarutiginninnermut malittarisassanik naligiissarineq, sulinermi ajutoornerit il.il. pineqartillugit akuersaarnissamut apeqqummik sukangannginnerusumik nalilersuineq)**

(Isumaginninnermut, Ilaqtariinnermut, Suliffeqarnermut Nunamullu Namminermut Naalakkersuisoq)

Kalaallit Nunaanni sulinermi ajoqusernermut isumannaarinninneq najoqqutaralugu aallaavigineqartariaqarsorinartut ilagaat, suliffeqarfinni tamani atuunissaa. Suliffinni nakkutilliinnerit ukiumut 120-230 missaaniipput, inassutigineqartullu 250-450 missaat tunniunneqartarlutik.

Pingaaruteqarluinnarpoq suliffeqarfiit avatangiisaat pillugit inatsisitigut pitsaasumik sinaakkusersuisoqarnissaa, taakkua sanaartorfinni, allanullu aamma nalilersuisarnermut ingerlatsisarnissaat aamma atorneqarsinnaaneri isumaqarpugut isumassatsialaasoq. Sullivinni nakkutilliinnerit tassa (Arbejdstilsyn) nunatta oqartussaaffiginngilaa, tamanna oqartussaaffiup Danmarkip ataani inassisimavoq. Tamatuminnga suleqatigiilluarnerisigut pitsanngorsaataasussat isumaqarpunga aallaaviussasut aamma oqaloqatigiinnikkut.

Inuussutissarsiutinut tunngatillugu inuk kinaluuniit ajutoorpat, taarsiisarnerit eqqarsaatigineqartillugit qulakkeerinnittussaavoq inatsit ataavartumik sulinngiffeqarfiit najoqqutaralugit aningaasanik illikartitsisoqarnissaa, tamannalu inatsip qulakkiisavaa kisianni oqaatigineqartut taakkua eqqarsaatigalugit allaffissorneq minnerpaaffilerneqartariaqarpoq. Tassami inuit sivisuumik utaqqisinnaasarpur, tamanna pinngitsoortinniarlugu Nakorsat aammalu tamakkunanga suliaqarsinnaasut uppernarsaat najoqqutaralugu innersuussisinnaallutik.

Suliap pingaarutilerujussuunera isumaqarpunga eqqartorneqartariaqartoq, suliassaqarpugut taakkunanga malittarisassiussinernik. Sillimmasiisarfiit eqqarsaatigineqartillugit sulinermut ajutoorsimasunik suliaqarneq imaananggissinnaasaqaaq, kisianni tassa sillimmasiineq ima pingaaruteqartigaaq suliap ingerlaavartumik naamassisinnaasariaqarpavut.

Inuussutissarsiuteqarnermut ataatsimiititaliamut ingerlateqqinnissaa innersuupparput.